

Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

§.2. Crux illa Christi spiritualis, quibus ex partibus constiterit.

[urn:nbn:de:hbz:466:1-47123](#)

544 *Pars IV. Exercitationes ad patientiam*
acutum fuisse dolorem in anima Christi, dum esset in utero
Matris, quantum postea passus est in cruce, hoc uno exce-
pto, quod veram non haberet eorum tormentorum experi-
entiam. Idque se ait in mentis excessu eum in modum pla-
nè cognovisse. Verum sanctæ viduæ verba, pluscula op-
portuniū reddam paragrapho sequenti.

Cæterū cùm eo arguento conscripti extent pīj qui-
dam libelli; ex ijs, si ad manum forent, liceret fortassis
hunc testium indicem locupletare: sed quando nos illijam
deficiunt, ijs erimus, quæ in præsentia occurrere, contem-

§. 2.

Cru: illa Christi spiritualis, quibus ex partibus constituitur.
Atque ex his quæ jam delibavimus, utcunque licebit,,
A ejus crucis Christi spiritualis, quam perpetuam appelle-
lamus, notionem aliquam mente effingere, & quibus rebus,
ceu partibus constet, definire. Ad illam quippe constru-
endā concurrēt, tum reliquæ omnes externarum interna-
rūmq; afflictionum species, quæ bono Jesu non facile ullo
seu loco seu tempore defuerint; tum verò maximè affida
illa subeundæ crucis & mortis acerbissimæ recognitatio; cum
ut etiam antea indicatum est, passionis suæ haud unquam
deponeret memoriam, sed dolorem suum in conspectu sem-
per haberet. Hinc quippe in ejus anima subnacebat
affactus duplex, cuius utriusque motibus sibi advers & pa-
gnantibus in speciem, mitissima illa anima dies noctesque
vellicaretur. Alter, horror quidam & aversatio tormento-
rum, quæ subeunda sibi præsentisceret, ea nimirum refugi-
ente (sed quâ ipse mensurâ statueret) atque exhortente na-
turâ; quem ille affectum, instantे horâ passionis, usque eo
permisit invalescere, ut præ agonia in multo sanguine sudave-
rit. Alter, ex opposito insurgens, earundem pœnarum in-
gens ac moræ impatiens desiderium, ob illam, quâ solicita-
batur assidue, paterno præcepto obsequendi, atque ad salu-
tem

tem mortales adducendi, cupiditatem. Quibus affectibus inter se commissis, necesse erat in ejus animo collisionem, luctamve non levem existere; ut eapropter coartari & tanquam opprimi se diceret, impatienti desiderio earum rerum, quas animae pars (ut vocant) inferior tantopere aversaretur.

Quod enim nonnulli in re praesenti dissentunt; negantes, Christum, nisi appropinquante passionis tempore, dolorem illum ex futurae suae passionis præfensione antecapere potuisse, hac ratione ducti: quod mala quæ adhuc absint longius, neq; prævideantur ut de propinquuo imminentia, non ita nata sint commovere sensus, & dolorem aut tristitiam ingenerare: quo argumento Joannes Nider, aic. *Formic. I. 1.* Christum fuisse semper martyrem, notitiæ scientiæ infusaæ, c. II. sed non sensu doloris, & experientiæ. Id, inquam, nonsatis est, ut quemquam à nostra opinione dimoveat, quam vidimus in Sanctorum dictis non infirmum fundamentum habere. Siquidem, ut libenter concedimus, cum jam è propinquuo malum impendere cernitur, majorem in eo insisse vim ad conciendos immutandosq; sensus nostros, & quandam in nobis progignendam velut anticipatam experientiam jam jam instantis urgentisq; doloris: non adeò tam negari potest, etiam longius absens mali, sed certò aliquando obventuri ita expressam atque attentam efficacemq; prænotionem esse posse, ut dolorem animo cruciatumq; grandem inferat, præsertim cum rei imago ita figuratur & subiectur mentis oculis, perinde atque si non absens esse, sed coram nunc geri videatur.

Idq; nominatim in Christo valuisse contendimus, qui & scientiæ infusaæ perspicaciæ, futurarum pœnarum gravitatem, insolentiam, diuturnitatem, & reliqua adjuncta prænoverat, eaq; assiduâ versabat cogitatione; insuper & affectus suos, utramvis in partem habebat in potestate, passioneque suæ proladens, ipsam pœnarum experientiam occu-

Zzzz

pabat

pabat patiënti desiderio, & longum amarorem libens
seq; sorbebat. Jam si, uti docet piorum hominum ex-
perientia, Salvatoris passio pridem praterita, iamq; adeo
ad illum discrucianum nihil attinens, attamen attentere
cogitata eam vim haber, ut mœrorem, luctum, dolorem in
animis meditationum concitat, ex sola cum Christo jam olim
passo compassione: multò sanè id magis efficere potuit,
nondum exhaustus iste calix, idq; in corde ejus cui propi-
nandus apparabatur, quiq; illius ingratissimam amaritionem
immenso melius comprehendenter, quam attingere valeat,
cujusvis hominis contemplatio.

Tandem cùm (veluti SS. Birgittæ ac Teresæ revelatum
est divinitus, nosq; primâ parte pluribus docuimus) ipsa
Dei Mater, ex eo saltem, quo ei B. Simeon denuntiata, te-
marum aliquando, ut ipsius animam doloris gladius trans-
ferret, in magna vixit perpetuāq; amaritudine, præ illarum
quas filio suo obventuras cognosceret, acerbitatum expe-
ctatione: nunquid filium ipsum censemus, cujus ter uniu-
cè agebatur, eâ causâ immunem fuisse tristitia, neg; ullam
ad ejus doloris partem pertinuisse? Quin imò credemus, &
ipsum vixisse in perpetua amaritudine & prægustatione cri-
cis suæ: tametsi illum dolorem suum corde premeret, & in-
tra mensuram sibi placitam, cum magna interni externique
hominis tranquillitate, contineret.

Audiatur hic denique B. Angela, sermone simplici,
sed luculentè tamen, ita confirmans. Sic enim loquitur
gens de tertia Christi societate, hoc est summo dolore: *In
Vit. c. 61.* *illo momento, quo fuit anima illa humano corpori & Divinitati
unita, statim in utero Virginis Matri sue incepit sentire sum-
mum dolorem, intelligendo universaliter & singulariter omnes
penas & quamlibet per se, quas ipsa anima cum sua carne ex-
periri debebat, & pro nobis tolerare. Et sicut propinquus mor-
tis factus fuit in agonia, & in tanta tristitia, quod corpus fudo-*
rum

rem sanguineum usque ad terram emfuit, propter hoc quod acerbitatem mortis prævidebat: ita anima Christi prævidendo ista tormenta sibi affutura, summo dolore dolebat, quamvis corpus non experiretur tantum, sicut quando passioni fuit Christus propinquus. Et infra: Sciebat, & continuè considerabat, à quibus, & quando, & quomodo, & quantum debebat affligi, interfici, deludi, & mactari; & videbat se ad hoc natum, & venisse in mundum: unde non poterat esse nisi in dolore, &c. Ad extremum ita concludit in rem nostram: *Et sic tota vita Christi fuit associata summo dolore, tristitia, & afflictione.*

Maneat igitur quod dicebamus: Christum per omnem vitam, cum futuram passionem suam certâ prænotione, comprehendenter, magnum animo dolorem ac cruciatum exinde cepisse; atque ex his internis angoribus (ut alia de essent extrinsecus) occultam, sed grayem, sed longam & perpetuam crucem, benignissimo Salvatori constructam ac constitutam fuisse.

Quo loco & istam adferre licet à proposito non abhorrentem cogitationem: Quemadmodum ex ritu recepto, summo Pontifici ejusve à latere Legato, quounque procedant, crux anteferrunt: ita Christum Dominum, qui & Pontifex noster appellatur ab Apostolo, & pacis cum mundo conciliande gratiâ, Legatus est de Latere Patris (quippe quem virum cohærentem sibi, ipse per Prophetam appellat Pater) quidquid animo agitaret prætenderetve, vivam & ob oculos perpetuò obversantem habuisse futurorum suppliciorum imaginem; ipsamq; adeo crucem suam, quounque pergeret, quounque se yerteret, sese quodammodo antecedentem aspexisse.

§. 3.

*Tam praproperi in Christo Crucis complexius, causę
nonnullae.*

Hinc

Zach. 43.